

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

**Exegesis**

[urn:nbn:de:bsz:31-126133](#)

A Jove fac orsum, ne serpens det tibi  
morsum.

Dante enim illo colligimus: aperiente illo  
manum suam, satiamur bonis. Abscondente  
autem illo faciem, turbabimur: auferet  
Spiritum nostrum & deficiemus, & in pul-  
verem nostrum revertemur, Psal. 104.  
v. 28. 29.

Eò quoque ablegat nos prælecta Peri-  
cope, quando Petrum rectè intuemur,  
qui profectò totam noctem frustrà labo-  
raverat. Verùm ubi in verbo Christi laxa-  
vit rete, tám copiosam conclusit piscium  
multitudinem, ut ambas naviculas imple-  
verit, ut prælecta historia testatur.

Videbimus

- I. *Tripliçem Querelam.*
- II. *Tripliçem Medelam.*
- III. *Tripliçem Cautelam.*

JJ.

### *Exegesis.*

**M**Agnes ille Dei amicus Moses, ex ex-  
perienciâ vitam humanam ita de-  
scripsit, quod nihil aliud illa sit, quam *labor*  
& *dolor*, Psal. 90. v. 11.

Id quod nemo omnium inficiabitur. In  
labore enim & dolore nascimur, primam  
vocab emittimus plorantes, Sap. 7. v. 4.  
In labore & dolore vivimus, sicut dies  
mercenarii sunt dies nostri, Job. 7. v. 1. in  
labore & dolore morimur, non enim cum  
risu, duo illi amici, anima & corpus divel-  
luntur; unde non immerito mors amara  
dicitur, Sir. 41. v. 1.

Intuentes Perrum in prælectâ Pericope  
in eo quoque verificari videmus, quod  
Moses de vita humana pronunciavit, per

totam enim noctem cum navicula sua in  
mari navigaverat, & hoc non sine labore,  
frustraneo tamen. Deinde ubi conclu-  
dit p̄scium multicudinem copiosam, hæc  
fortuna annata est, ut rumpatur rete, & na-  
viculæ submergantur. Quin & in ma-  
gnam animi perturbationem conjicitur,  
ratione peccatorum commissorum, ut  
Christo quasi abjecto, dicat: Exi à me,  
quia homo peccator sum, Domine.

*Querela respicit*

I. *Vanum in acquirendo labore,* de quo  
hic Petrus conqueritur, inquiens: Præ-  
ceptor, per totam noctem laborantes nihil  
cepimus. Hæc antiqua illa cantilena est,  
quam hodie tenus multi Patres familias in  
labore & dolore ingeminare coguntur.  
Tempora enim difficultia sunt, & licet cum  
Petro totam noctem labore, attamen ni-  
hil rete retinet, ita ut vix tantum compara-  
re possit, quantum ad quotidianam sus-  
tentationem opus est. Hinc nonnulli an-  
sam arripunt, nocte pescari, h.e. variis tech-  
nici uti, & undecunque etiam ex malo ac-  
quirunt, Sap. 15. v. 12. Verùm infelici cum  
succesu: technæ enim hujusmodi ayo-  
lant in cœlum, Prov. 23. v. 4. & maledi-  
ctionem post se trahunt, ut tandem panis  
mendaci impletat eorum os calculo, Prov.  
20. v. 17.

Alii quidem in numerum impiorum re-  
ferendi non sunt, sed frequentant tem-  
plum, orationi vacant, & qua Christianos  
debet, faciunt, & tamen res familiaris  
eorum claudicat, sicuti multi pauperes  
fuerunt, quorum tamen saluti id minimè  
obfuit, causam reddit Salomo, dicens: Di-  
ves & pauper obviaverunt sibi, Prov. 22.  
v. 2.

Quandounque igitur Deus cuidam divitias subtrahit, ex caussis, quas ille optimè novit, tunc frustrà laborat, currit & mace-  
rat se. Eccles. 9. v. 11.

Optimum proindè est, ut & quo id ani-  
mo feras. Præcipuum vitæ hominis, aqua  
& panis, & vestimentum, & domus, regens  
ea, quorum nos pudet, Sir. 29. v. 28. qui  
igitur sua sorte contentus est, magnus hūc  
quæstus est, 1. Tim. 6. v. 6.

Diogenes Cynicus mundi delicias adeò  
sprevit, ut in dolio habitaverit. Aliquando  
Alexander M. adiit illum ante dolium se-  
dentem, qui cum offerret, ut quo indige-  
ret à se peteret: nihil aliud ille rogavit,  
quam ut è Sole ille discederet: cuius rei ad-  
miratio tantoperè cepit Alexandrum, ut  
dixerit, nī Alexander essem, Diogenes esse  
vellem. Hi gentiles fuerunt, & tamen è  
lumine naturæ id perspexerunt, veram  
animi tranquillitatem cum divitiis & ma-  
gnis opibus confistere non posse, sed unice  
in avaragine, ut contentus sis præsentibus,  
Hebr. 13. v. 5. & terrena despiceret discas.  
Omne quippe opus corruptibile in fine  
deficiet, & qui illud operatur ibit cum  
illo, Sir. 14. v. 20.

Quando igitur Deus labori tuo benedi-  
cit, gratias ei age, nec cura, licet invidentes  
tibi habeas:

Θεος διδόνει τοις οὐδὲν ἵξειθεν Θεός,  
καὶ μὴ διδέσθε, οὐδὲν ἵξειθεν Θεός.

Deo dante nihil valet invidia,

Et non dante, nihil valet labor.

Quodsi verò diligenia & labor tuus fru-  
stranea sunt, ut querelā Petri uti cogaris:  
Per totam noctem laborantes nihil ce-  
pimus: cogites velim, nolle tibi Deum  
divitiias largiri, idque expedire tibi. Est

homo laborans & festinans, & dolens im-  
pius, & tanto magis non abundabit, Sir. 11.  
v. 11. 1. Tim. 6. v. 9. Dic igitur cum Eccle-  
sia, Jesu!

Nil pendo temporalia,  
Dona modò cœlestia,  
Quæ tu parasti mi:  
Mortem ferens tristissimam  
Hæc spes levat molestiam.

II. Multiplicem in retinendo angorem, sive  
dolorem. Verè enim dicitur:

Non minor est virtus, quam querere,  
parta tueri.

Id quod nobis egregiè monstratur in Pe-  
tro, ejusque sodalibus: illi ad verbum  
Christi concluserunt piscium multitudi-  
nem copiosam: verum præter omnem  
expectationem rumpabantur rete eorum,  
& licet provideant, ne pisces elabantur, sed  
omnes in naviculas deferant: aliud tamen  
infortunium suboritur, dum umbrae navicu-  
lae adeò implentur, ut mergantur. Ibi  
anxietas, cura & periculum eorum majus  
adhuc erat, siquidem hæc ratione non mo-  
dò piscium & naviculae, sed & vitæ jactu-  
ram facere potuissent.

Sic hodiè adhuc evenit, ut subinde pa-  
nis quotidianus acquiratur, qui tamen non  
sine curâ & solicitudine, metu & periculo  
conservatur. Modò rete rumpitur, h. e.  
annonæ difficilis redditur; modò navicula  
submergitur, hoc est, omnium fortunarum  
jactura imminere videtur, ut Jobi exem-  
plum restatur, Job. 1. v. 13.

Experti id sumus in superiori bello, ubi  
omnia direptionibus exposita fuerunt,  
quaæ cives & rustici magno labore semina-  
runt atque plantarunt; nemo dicere potuit,  
mea hæc sunt. Ex improviso enim vene-  
runt,

runt, qui auferendo abstulerunt omnia à facie terræ, Soph. i. v. 4. Ex improviso misit Deus ventilatores in horrea, Jer. 15. v. 2. mactatores in stabula, Jer. 46. v. 20. stratores in cellas, Jer. 48. v. 12. fures in domos, Joel. 2. v. 9. devoratores in cibaria, Mal. 3. v. 11. hiadèò depopularunt omnia in regione, ut merces hominum non esset, nec merces jumentorum esset, nec introcunti neque exenti pax esset, præ tribulatione, Zach. 8. v. 10.

Jam cogitavit Dominus super nos cogitationes pacis, Jer. 29. v. 11. ut nos habitare rursus faciat, bonisque donet majoribus, quâm habuimus antea, Ezech. 36. v. 11. Verùm caveamus vos mei! ne Deum denuò peccatis nostris ad iram provocemus, securitas magna est, tûm & obstinatio, licet peccata reprehendantur, nemo est qui vitam emendet, fronte illi perficitâ dicunt: Manda, remanda, manda, remanda, Esa. 28. v. 10. sermonem quem locutus es ad nos, in nomine Domini, non audiemus ex te, Jer. 44. v. 16. Quicunq; igitur nocet noceat adhuc, Apoc. 22. 11. Sanguis eorum sit super eis, sermo, quem locutus sum illis, ille judicabit eos in die novissimo, Joh. 12. 48.

III Subitum conscientiae terrorem, quo Petrus obrutus est. Ubi enim videt, Pisces hanc capturam suprà naturam esse, dum rete rumpitur, & tamen pisces retinentur, naviculæ merguntur, nec tamen submerguntur, ad genua Jesu procidit, dicens: Exi à me, quia homo peccator sum, Domine. Petrus præ animi consternatione nescit, quid dicat. Quia vero indignum se censet, qui cum Christo convergetur, ob peccata quorum sibi conscius erat, ex præcipitania illum à se exire jubet, cum tamen

satus fuisset, ut eum, quò secum maneret, invitasset, exemplo discipulorum Emaunitorum, Luc. 24. v. 29.

Cernimus hîc, quâm tenera res conscientia sit, quæ diario confertur, quod Deus cuiuslibet cordi indidit, & quasi insculpsit, in eo scripta sunt peccata stylo ferreo, in acuto Adamante exarata, super tabulâ cordis, ut deleri & extingui nunquam possint. Jer. 17. v. 1. & licet aliquamdiu ad ostium cubent, Gen. 4. v. 7. attamen facile instar canis ad januam dormientis excitati posse sunt: & tûm hominem in tantas angustias redigunt, ut multi cum Caino & Judai in desperationem incident.

Peccata enim respondent homini, Esa. 59. v. 12. & licet quis peccata sua verbis inficiari, vel quoad speciem extenuare vel exculcare velit, attamen conscientia plus valeat, quâm mille testes, ut Quintilianus loquitur, cui refragari non possis. Non enim saltem indicat peccata, sed & omnes circumstantias, horam & momentum, quando, locum ubi, & modum quo patrata sint, ut recte Juvenalis dixit:

Nocte dieq; suum gestat sub peccatore teste.  
Habetq; cauteriam conscientiam, in quâ non est requies, 1. Tim. 4. v. 2. hinc fit auto-naturaq; Tit. 3. v. 11. Corenim proprium condemnat ipsum, 1. Joh. 3. v. 20. quin & in perpetuo metuatque pavore versatur, Psal. 53. v. 6. Prov. 28. v. 1.

Inseriat hoc dehortationi nostræ, ne conscientiam nostrâ peccatis mortalibus vulneremus, ut multi faciunt, non perpendentes, quâm tenera res conscientia sit, & quam difficile fedetur, ubi semellæsa est.

Quis nescit execrationes & blasphemias peccata contra secundum præceptum esse,

& tamen execrationum & blasphemiarum modus non est: ubi conscientia?

Quis nescit contemtores verbi Dei & Sacramentorum ejus, utsunt contemtum iri? & tamen multi ultra annum in hoc contemtu perseverant: ubi conscientia?

Quis nescit scortatores & adulteros, licet occultissimi sint, à Deo punitum & judicatum iri? Hebr. 13. v. 4. & terra tamen repleta est adulteris: ubi conscientia?

Similis ratio omnium peccatorum est, ut principiò vilipendantur, at ubi conscientia evigilat, & Diabolus suggestiones suas ei immittit, in montes degenerant peccata, ut ejusmodi homo confilii expers, & corpore & anima Diabolo mancipetur.

Vis igitur tranquillè vivere & beatè mori, rationem habeo conscientiæ: in omnibus actionibus tuis conscientiæ utere pro lucernâ: hoc modò à peccatis immunis, habebis fidem & bonam conscientiam, 1. Tim. 1. v. 18. ubi vero tranquilla conscientia, ibi juge convivium est, Prov. 15. v. 15. & ejusmodi lætitia, in quâ gaudere possumus coram Deo & hominibus, 2. Cor. 1. v. 12.

### De Secundo.

**S**equitur Medela, quæ fluit

i. Ex Christi praconio. Ascendens enim in unam navem, quæ erat Simonis, rogavit eum, à terra reducere pusillum: & sedens docebat de navicula turbas. Hoc ipso fatis probavit, se esse Prophetam magnum, Deut. 18. v. 15. item Praeconem ju-

sticæ, Joel 2. v. 23. qui ubique occasionem arripuit, ut ignatos informaret, infirmos in fide confirmaret, & verbo: Salvaret, quod perierat, Matth. 18. v. 11.

Hoc inservit consolationi

1. *Pastorum.* Pontificii ex contemtus prædicantes appellant. Verum hujus tituli non pudet nos, siquidem Christus ipse prædicavit. Pulchrum est cum Christo pati, non est discipulus suprà Magistrum, Matth. 10. v. 24. Verum ut ipse per passiones intravit in gloriam suam, Luc. 24. v. 26. sic & momentanea levitas tribulationis nostræ, suprà modum in sublimitate æternum gloriae pondus operatus in nobis, 2. Cor. 4. v. 17.

2. *Auditorum.* Quia enim Servator tanto studio Evangelium prædicavit, facile hinc colligere possumus, nolle ipsum mortem peccatoris, Ezech. 18. v. 23. sed omnes salvos fieri, & ad agnitionem veritatis pervenire, 1. Tim. 2. v. 9. hinc & pro omnibus mortem gustavit, Hebr. 2. v. 9. Col. 1. v. 20. Sic nemo hic simpliciter reprobatus est, sed, ex te tua perditio Israel, Ose. 13. v. 13.

II. *Ex insigni miraculo.* Postquam Petrus & reliqui Apostoli rete laxarunt, ad mandatum Christi, concluserunt piscium multitudinem copiosam, dum Servator pisces quasi in rete propulit, iisdemque mandavit, ut ad capiendum se obtulerint, sicut ipsi Pater cœlestis non modò gentes dedit hæreditatem suam, & possessionem suam terminos terræ, Psal. 2. v. 8. sed & pisces maris, qui perambulant semitas maris, omnes imperio ejus subjecti sunt, Psal. 8. v. 19. ita ut facere possit, quæcumque velit, in celo & in terra, in mari, & in omnibus abyssis, Psal. 135. v. 6.

O ter-